

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
OPĆINA CAZIN

SLUŽBENE NOVINE
OPĆINE CAZIN

GODINA XIV

BROJ 5

20.05.2011.
CAZIN

OPĆINSKO VIJEĆE

2459. Na osnovu člana 45. Zakona o prostornom uređenju («Službeni glasnik USK-a», broj: 9/02 i 4/04), člana 8. Odluke o pristupanju izradi Urbanističkog projekta "Islamski centar Cazin" («Službene novine Općine Cazin», broj:11/10), člana 24. i 118. Statuta Općine Cazin («Službene novine Općine Cazin», broj:13/10), člana 115. Poslovnika o radu Općinskog vijeća Općine Cazin («Službene novine Općine Cazin», broj:1/11), a po zahtjevu Medžlisa Islamske zajednice Cazin, broj:04-23-8844/11 od 15.07.2010. godine, vezano za inicijativu izgradnje "Islamskog centra Cazin", Općinsko vijeće Općine Cazin na svojoj redovnoj XIX sjednici, održanoj dana 04.05. 2011. godine, donijelo je

ODLUKU

O usvajanju Nacrta Urbanističkog projekta "Islamski centar Cazin"

Član 1.

Usvaja se Nacrt Urbanističkog projekta "Islamski centar Cazin", u svemu prema rješenju izrađenom od strane nosioca izrade Urbanističkog projekta, d.o.o. «Urbanistički zavod BiH» Sarajevo.

Član 2.

Općinski načelnik kao nositelj pripreme za izradu Urbanističkog projekta "Islamski centar Cazin", dužan je odmah po stupanju na snagu ove odluke, putem Službe za urbanizam i zaštitu okoliša, Nacrt Urbanističkog projekta "Islamski centar Cazin" staviti na javni uvid i raspravu u trajanju od najmanje 15 (petnaest) dana, te je dužan osigurati javnost.

U postupku javne rasprave mora se svim korisnicima prostora omogućiti i dati pravo da se izjasne o svim bitnim segmentima Nacrta Urbanističkog projekta "Islamski centar Cazin".

Član 3.

Na osnovu rezultata javne rasprave, nositelj pripreme utvrdit će konačni prijedlog Urbanističkog projekta "Islamski centar Cazin" i dostaviti ga na usvajanje Općinskom vijeću.

Uz konačni prijedlog Urbanističkog projekta "Islamski centar Cazin", dostavit će se, uz obrazloženje, svi prijedlozi koji nisu mogli biti usvojeni.

Član 4.

Za provođenje ove odluke odgovoran je Općinski načelnik putem Službe za urbanizam i zaštitu okoliša općine Cazin.

Član 5.

Ova odluka stupa na snagu danom donošenja, a ima se objaviti u Službenim novinama općine Cazin.

Broj: 01/V- 23-5880 /11

Datum, 04.05.2011. godine

PREDSJEDAVAJUĆI VIJEĆA

Ćoralić Haris

2460. Na osnovu člana 13. Zakona o principima lokalne samouprave u F BiH ('Sl. novine F BiH', broj: 49/06), člana 24., 118.,141. i 142. Statuta Općine Cazin ("Službene novine Općine Cazin, br.13/10), člana 10. stav 3. Evropske povelje o lokalnoj samoupravi koja je ratifikovana Uredbom o ratifikaciji Evropske povelje o lokalnoj samoupravi («Službeni list RBiH», broj 31/94) i člana 115. Poslovnika o radu Općinskog vijeća Cazin ("Službene novine Općine Cazin, br.1/11) Općinsko vijeće Općine Cazin na svojoj XIX redovnoj sjednici održanoj dana, 04.05.2011. godine, donijelo je

ODLUKU

o davanju saglasnosti na Memorandum o regionalnoj saradnji gradova i općina u vezi upravljanja i zaštite šume autohtonog kestena

Član 1.

Daje se saglasnost da Općinski načelnik u ime Općine Cazin zaključi i potpiše Memorandum o regionalnoj saradnji gradova i općina u vezi upravljanja i zaštite šume autohtonog kestena, u pograničnom području R Hrvatske i Bosne i Hercegovine.

Član 2.

Ova odluka stupa na snagu danom donošenja i ima se objaviti u «Službenim novinama Općine Cazin».

Br: 01/V-23-6017/11

Datum: 04.05.2011.godine

PREDSJEDAVAJUĆI VIJEĆA

Ćoralić Haris

2461. Na osnovu člana 13. Zakona o principima lokalne samouprave u F BiH ("Sl. novine F BiH", broj: 49/06), člana 24. i 118. Statuta Općine Cazin ("Službene novine Općine Cazin, br.13/10), i člana 115. Poslovnika o radu Općinskog vijeća Cazin ("Službene novine Općine Cazin, br.1/11) Općinsko vijeće Općine Cazin na svojoj XIX redovnoj sjednici održanoj dana, 04.05.2011. godine, donijelo je

ODLUKU
o proglašenju 6. maja Danom sjećanja na
Cazinsku bunu i
žrtve komunističkog režima FNRJ

Član 1.

Općina Cazin proglašava 6. maj Danom sjećanja na Cazinsku bunu i žrtve komunističkog režima stradalih u Cazinskoj krajini 1950. godine.

Član 2.

Odlukom se nedvosmisleno potvrđuje da je Cazinska buna bila ljudski čin, podignuta od strane obespravljenih seljaka i tadašnjih građana Općine Cazin.

Član 3.

Ova odluka stupa na snagu danom donošenja, i ima se objaviti u «Službenim novinama Općine Cazin».

Br: 01/V-05-5982/11

Datum: 04.05.2011.godine

PREDSJEDAVAJUĆI VIJEĆA
Čoralić Haris

2462. Polazeći od Ustava Bosne i Hercegovine (1995), te ljudskih prava i temeljnih sloboda izloženih u Evropskoj konvenciji o ljudskim pravima koja je njegov sastavni dio,

posvećeni ciljevima i načelima Povelje Ujedinjenih naroda (1945), kao i Opće deklaracije o ljudskim pravima OUN (1948),

uvažavajući Rezoluciju o genocidu 206 (III) OUN (1948)

posvećeni temeljnim evropskim vrijednostima: poštivanju ljudskih prava, uspostavi vladavine prava i izgradnji demokratskih institucija na kojima se temelji Statut i drugi dokumenti Vijeća Evrope, posebice

Rezolucija 1096 Parlamentarne skupštine Vijeća Evrope o mjerama za razgradnju naslijeđa bivših komunističkih totalitarnih sistema (1996) i

i

Rezolucija 1481 Parlamentarne skupštine Vijeća Evrope o potrebi za međunarodnu osudu zločina totalitarnih komunističkih režima (2006)

te

pozivajući se na standarde Europske Unije:

Rezolucija P6_TA_PROV(2009) 0213
Europskog parlament o evropskoj savjesti i totalitarizmu (2009),

Na osnovu člana 24. i 118. Statuta Općine Cazin ("Službene novine Općine Cazin", broj: 13/10) i člana 118. Poslovnika o radu Općinskog vijeća Cazin ("Službene novine Općine Cazin", broj: 1/11) Općinsko vijeće Općine Cazin na svojoj XIX redovnoj sjednici održanoj dana 04.05.2011.godine, donijelo je:

REZOLUCIJU

o osudi masovnog kršenja ljudskih prava
civilnog stanovništva u Cazinskoj krajini 1950.
godine i zločina počinjenih od strane totalitarnog
komunističkog režima bivše Jugoslavije / FNRJ

I Buntovna masovna dešavanja stanovništva na Cazinskoj krajini 1950. godine, poznata kao Cazinska buna, bila su posljedica nepodnošljive privredne eksploatacije, terora i ljudskog ponižavanja kojima je izloženo seljaštvo zbog tadašnje pogrešne ekonomske politike jugoslavenske totalitarističke države. Pobuna seljaka bilo je i u drugim dijelovima zemlje, ali se najznačajnija dogodila na Cazinskoj krajini. Kako je seljaštvo sačinjavalo preko 90 % stanovništva Cazinske krajine bio je to po svom socijalnom karakteru izraziti seljački ustanak. Pokretači i predvodnici dešavanja bili su zbog silnih nepravdi koje su svakodnevno i sami doživljavali istaknutiji i obrazovaniji domaći seljaci što upućuje na autohtoni izvor bune. Zbog ugleda, koji su kao partizani stekli u nedavno završenom ratu, lako su za ustanak protiv omraženog državnog poretka i njegovih okrutnih provodnika na terenu pridobili brojne seljake iz vlastitih i susjednih sela.

II Cazinska buna 1950 nije vukla ideološke korjene od pobijedenih vojnih i političkih snaga u Drugom svjetskom ratu. Vođe bune također nisu bili u nekim stvarnim organizacionim vezama sa tadašnjoj državi neprijateljskim elementima i strukturama ni na teritoriji FNRJ ni u inozemstvu. Organi države mogli su brzo i lako ustanoviti da slabo organizirana pobuna civilnog stanovništva u Cazinskoj krajini nije mogla ugroziti poredak i sigurnost ni u samoj regiji, a kamoli ustavni poredak u zemlji i državnu bezbjednost FNRJ.

III Nasuprot činjenicama koje je sama utvrdila, država se potpuno neprimjereno ponijela prema pobunjenicima i obespravljenom narodu Cazinske krajine, nanijevši im mnoga nedopustiva zla.

Kao jedna od potpisnica Povelje o osnivanju Ujedinjenih naroda, te jedan od njenih osnivača i članova, FNRJ je prekršila obavezu poštivanja međunarodno priznatih ljudskih prava i temeljnih sloboda izloženih u Povelji UN i Univerzalnoj deklaraciji o ljudskim pravima

IV Općinsko vijeće Općine Cazin ovim utvrđuje i osuđuje masovna kršenja ljudskih prava civilnog stanovništva na prostoru Cazinske krajine 1950. godine i zločine počinjene od strane totalitarnog komunističkog režima bivše Jugoslavije / FNRJ protiv civilnog stanovništva, te:

1. konstatira

da je sa historijske distance od 60 godina moguće i potrebno Cazinsku bunu nedvosmisleno ocijeniti kao društveni i ljudski čin koji je na izrazito nesrazmjeran i krajnje oštar način kažnjen od strane bivše FNRJ za djela počinjena u Cazinskoj buni;

2. ocjenjuje

da je Cazinska buna 1950. godine, posmatrano unutar šire humanističke paradigme, povijesni događaj koji je omogućio očuvanje digniteta socijalne grupacije seljaštva;

3. osuđuje

odmazdu totalitarističke države: od fizičkih likvidacija na terenu bez suđenja, preko masovnih hapšenja i zatvaranja, montiranih sudskih procesa, izricanja smrtnih presuda i njihovog izvršenja, izricanja dugogodišnjih kazni zatvora sa prinudnim radom, masovnih konfiskacija cjelokupne imovine osuđenih, do masovnog protjerivanja porodica sa domaćih ognjišta, koji su već tada prema međunarodnim pravnim standardima jasno definirani kao nedopustiv čin;

4. izriče

žaljenje zbog zlodjela koje je počinila bivša država i nepravde kojoj su decenijama bili izloženi pojedinci, porodice i cijele sredine Cazinske krajine i Korduna zbog Bune;

5. izražava

spremnost za donošenje zakona o rehabilitaciji ljudskih žrtava u Buni i zbog Bune;

6. vjeruje

da je potrebno široko društveno upoznavanje sa naučno utvrđenom istinom o Buni, kako radi poštovanja stradalnika Bune, tako i radi jasne predodžbe narednim generacijama o totalitarističkom karakteru odnosa komunističke države prema seljaštvu.

V. Rezolucija stupa na donošenja i ima se objaviti u "Službenim novinama Općine Cazin".

Broj: 01/V-05-5910 /11

Datum: 04.05.2011. godine

PREDSJEDAVAJUĆI VIJEĆA
Ćoralić Haris

.....

SVJEDOČENJE

prilog

REZOLUCIJI

o osudi masovnog kršenja ljudskih prava civilnog stanovništva u Cazinskoj krajini 1950. godine i zločina počinjenih od strane totalitarnog komunističkog režima bivše Jugoslavije / FNRJ koja je njen sastavni dio i koju je usvojilo Općinsko vijeće Cazin

Potpisani, također i sami veliki stradalnici Bune zbog koje je država 1950.godine streljala naše očeve, naše porodice protjerala u Srbac, konfiskovala svu našu porodičnu imovinu, u svoje ime i u ime drugih, ubijenih, streljanih, preminulih i još živih stradalnika Bune, svojim vlastnoručnim potpisom *svjedočimo* da u potpunosti prihvatamo ovu Resoluciju.

Maj, 2010

Potpisnici:

mjesto potpisa

STEVO BOŽIĆ,

sin streljanog Milana Božića, komandanta Bune i sam učesnik,
rođen u Crnaji, BiH..... *Božić Stevo*

AHMET ČOVIĆ,

sin streljanog Ale Čovića, zamjenika komandanta, vođe Muslimana u Buni,
rođen u Šturličkoj Platnici, BiH..... *Ahmet Čović*

ALE KOVAČEVIĆ,

sin ubijenog Muše Kovačevića, zamjenika komandira Liskovačke čete,
rođen u Liskovcu, BiH..... *Kovačević Ale*

LIUBA rođ.DEVRNJA MANDIĆ,

kći streljanog Mile Devrnje, ideologa Bune, vođe Bune na slunjskom srezu,
rođena u Koranjskom Lugu, Hrvatska..... *Liuba Mandić*

SVETUZAR BEUKOVIĆ,

sin streljanog Nikole Beukovića, zamjenika vođe Bune na slunjskom srezu
rođen u Koranjskom Lugu, Hrvatska..... *Svetozar Beuković*

HUSEIN BEGANOVIĆ,

sin streljanog Hasiba Beganovića, komandira Liskovačke čete,
rođen u Liskovcu, BiH..... *Husein Beganović*

HANIFA rođ. BARJAKTAREVIĆ HOZANOVIĆ

kćerka na smrt streljanjem osuđenog Nezira Barjaktarevića, jednog od voda Bune na kladuškom srezu, pomilovanog, pobunjenika sa najdužim odsluženim zatvorskim stažem, 17-člana porodica protjerana u Srbac, rođena u Donjoj Vidovskoj, BiH

..... *Hozanović Hanifa*

2463. Na osnovu člana člana 13. Zakona o principima lokalne samouprave u F BiH („Sl.novine F BiH“, broj: 49/06), člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće Općine Cazin na XIX sjednici, održanoj 04.05.2011. godine, donijelo je

ZAKLJUČAK

I

1. **PRIHVATA SE** Prednacrt Odluke o zaštiti izvorišta vode za piće Ljubijankići, Općina Cazin, i u skladu sa Poslovníkom o radu Općinskog vijeća Cazin radi prikupljanja mišljenja i prijedloga za izradu Nacrta, **STAVLJA SE NA JAVNU RASPRAVU**.

2. Prihvaćeni Prednacrt Odluke o zaštiti izvorišta vode za piće Ljubijankići, Općina Cazin, poslužit će kao osnov za provođenje javne rasprave, a ista će trajati 60 (šezdeset) dana od dana stavljanja Nacrta na javnu raspravu do 10.07.2011. godine.

3. Zadužuje se JKP "Vodovod" Cazin da Prednacrt Odluke o zaštiti izvorišta vode za piće Ljubijankići, Općina Cazin, radi davanja mišljenja, prijedloga i sugestija dostavi:

- savjetu mjesne zajednice,
- da uputi javni poziv putem sredstava javnog informisanja građanima i svim zainteresiranim fizičkim i pravnim licima da se aktivno uključe u javnu raspravu,
- da organizira glavnu javnu raspravu u prostorijama MZ Ljubijankići, Općina Cazin na kojoj bi prisustvovali predstavnici mjesne zajednice, javnih preduzeća, javnih ustanova, privrednih društava i poduzetnika.

4. Nakon provedene javne rasprave o Prednacrtu, uzevši u obzir sve prijedloge i mišljenja istaknuta od strane vijećnika na sjednici Općinskog vijeća, kao i prijedloge i mišljenja pristigla i prikupljena u toku javne rasprave, JKP "Vodovod" Cazin će sačiniti Nacrt Odluke o zaštiti izvorišta vode za piće Ljubijankići, Općina Cazin, i isti sa odgovarajućim izvještajem o provedenoj javnoj raspravi uputiti Općinskom vijeću na razmatranje i usvajanje.

II

Ovaj Zaključak stupa na snagu danom donošenja i objavit će se u «Službenim novinama Općine Cazin».

Br: 01/V-23-2537/11

Datum: 04.05.2011.godine

PREDSJEDAVAJUĆI VIJEĆA

Ćoralić Haris

.....

2464. Na osnovu člana člana 13. Zakona o principima lokalne samouprave u F BiH („Sl.novine F BiH“, broj: 49/06), člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće Općine Cazin na XIX sjednici, održanoj 04.05.2011. godine, donijelo je

ZAKLJUČAK

I

1. **PRIHVATA SE** Prednacrt Odluke o zaštiti izvorišta vode za piće Mutnik, Općina Cazin, i u skladu sa Poslovníkom o radu Općinskog vijeća Cazin radi prikupljanja mišljenja i prijedloga za izradu Nacrta, **STAVLJA SE NA JAVNU RASPRAVU**.

2. Prihvaćeni Prednacrt Odluke o zaštiti izvorišta vode za piće Mutnik, Općina Cazin, poslužit će kao osnov za provođenje javne rasprave, a ista će trajati 60 (šezdeset) dana od dana stavljanja Nacrta na javnu raspravu do 10.07.2011. godine.

3. Zadužuje se JKP "Vodovod" Cazin da Prednacrt Odluke o zaštiti izvorišta vode za piće Mutnik, Općina Cazin, radi davanja mišljenja, prijedloga i sugestija dostavi:

- savjetu mjesne zajednice,
- da uputi javni poziv putem sredstava javnog informisanja građanima i svim zainteresiranim fizičkim i pravnim licima da se aktivno uključe u javnu raspravu,
- da organizira glavnu javnu raspravu u prostorijama MZ Mutnik, Općina Cazin na kojoj bi prisustvovali predstavnici mjesne zajednice, javnih preduzeća, javnih ustanova, privrednih društava i poduzetnika.

4. Nakon provedene javne rasprave o Prednacrtu, uzevši u obzir sve prijedloge i mišljenja istaknuta od strane vijećnika na sjednici Općinskog vijeća, kao i prijedloge i mišljenja pristigla i prikupljena u toku javne rasprave, JKP "Vodovod" Cazin će sačiniti Nacrt Odluke o zaštiti izvorišta vode za piće Mutnik, Općina Cazin, i isti sa odgovarajućim izvještajem o provedenoj javnoj raspravi uputiti Općinskom vijeću na razmatranje i usvajanje.

II

Ovaj Zaključak stupa na snagu danom donošenja i objavit će se u «Službenim novinama Općine Cazin».

Br: 01/V-23-2538/11

Datum: 04.05.2011.godine

PREDSJEDAVAJUĆI VIJEĆA

Ćoralić Haris

.....

2465. Na osnovu člana člana 13. Zakona o principima lokalne samouprave u F BiH („Sl.novine F BiH“, broj: 49/06), člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće Općine Cazin na XIX sjednici, održanoj 04.05.2011. godine, donijelo je

ZAKLJUČAK

I

1. **PRIHVATA SE** Prednacrt Odluke o zaštiti izvorišta vode za piće Tahirovići, Općina Cazin, i u skladu sa Poslovníkom o radu Općinskog vijeća Cazin radi prikupljanja mišljenja i prijedloga za izradu Nacrta, **STAVLJA SE NA JAVNU RASPRAVU**.

2. Prihvaćeni Prednacrt Odluke o zaštiti izvorišta vode za piće Tahirovići, Općina Cazin, poslužit će kao osnov za provođenje javne rasprave, a ista će trajati 60 (šezdeset) dana od dana stavljanja Nacrta na javnu raspravu do 10.07.2011. godine.

3. Zadužuje se JKP "Vodovod" Cazin da Prednacrt Odluke o zaštiti izvorišta vode za piće Tahirovići, Općina Cazin, radi davanja mišljenja, prijedloga i sugestija dostavi:

- savjetu mjesne zajednice,
- da uputi javni poziv putem sredstava javnog informisanja građanima i svim zainteresiranim fizičkim i pravnim licima da se aktivno uključe u javnu raspravu,
- da organizira glavnu javnu raspravu u prostorijama MZ Skokovi, Općina Cazin na kojoj bi prisustvovali predstavnici mjesne zajednice, javnih preduzeća, javnih ustanova, privrednih društava i poduzetnika.

4. Nakon provedene javne rasprave o Prednacrtu, uzevši u obzir sve prijedloge i mišljenja istaknuta od strane vijećnika na sjednici Općinskog vijeća, kao i prijedloge i mišljenja pristigla i prikupljena u toku javne rasprave, JKP "Vodovod" Cazin će sačiniti Nacrt Odluke o zaštiti izvorišta vode za piće Tahirovići, Općina Cazin, i isti sa odgovarajućim izvještajem o provedenoj javnoj raspravi uputiti Općinskom vijeću na razmatranje i usvajanje.

II

Ovaj Zaključak stupa na snagu danom donošenja i objavit će se u «Službenim novinama Općine Cazin».

Br: 01/V-23-2539/11

Datum: 04.05.2011.godine

PREDSJEDAVAJUĆI VIJEĆA

Ćoralić Haris

.....

2466. Na osnovu člana člana 13. Zakona o principima lokalne samouprave u F BiH („Sl.novine F BiH“, broj: 49/06), člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće Općine Cazin na XIX sjednici, održanoj 04.05.2011. godine, donijelo je

ZAKLJUČAK

I

1. **PRIHVATA SE** Prednacrt Odluke o zaštiti izvorišta vode za piće Vignjevići, Općina Cazin, i u skladu sa Poslovníkom o radu Općinskog vijeća Cazin radi prikupljanja mišljenja i prijedloga za izradu Nacrta, **STAVLJA SE NA JAVNU RASPRAVU**.

2. Prihvaćeni Prednacrt Odluke o zaštiti izvorišta vode za piće Vignjevići, Općina Cazin, poslužit će kao osnov za provođenje javne rasprave, a ista će trajati 60 (šezdeset) dana od dana stavljanja Nacrta na javnu raspravu do 10.07.2011. godine.

3. Zadužuje se JKP "Vodovod" Cazin da Prednacrt Odluke o zaštiti izvorišta vode za piće Vignjevići, Općina Cazin, radi davanja mišljenja, prijedloga i sugestija dostavi:

- savjetu mjesne zajednice,
- da uputi javni poziv putem sredstava javnog informisanja građanima i svim zainteresiranim fizičkim i pravnim licima da se aktivno uključe u javnu raspravu,
- da organizira glavnu javnu raspravu u prostorijama MZ Vrelo, Općina Cazin na kojoj bi prisustvovali predstavnici mjesne zajednice, javnih preduzeća, javnih ustanova, privrednih društava i poduzetnika.

4. Nakon provedene javne rasprave o Prednacrtu, uzevši u obzir sve prijedloge i mišljenja istaknuta od strane vijećnika na sjednici Općinskog vijeća, kao i prijedloge i mišljenja pristigla i prikupljena u toku javne rasprave, JKP "Vodovod" Cazin će sačiniti Nacrt Odluke o zaštiti izvorišta vode za piće Vignjevići, Općina Cazin, i isti sa odgovarajućim izvještajem o provedenoj javnoj raspravi uputiti Općinskom vijeću na razmatranje i usvajanje.

II

Ovaj Zaključak stupa na snagu danom donošenja i objavit će se u «Službenim novinama Općine Cazin».

Br: 01/V-23-2540/11

Datum: 04.05.2011.godine

PREDSJEDAVAJUĆI VIJEĆA

Ćoralić Haris

.....

2467. Na osnovu člana člana 13. Zakona o principima lokalne samouprave u F BiH („Sl.novine F BiH“, broj: 49/06), člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće Općine Cazin na XIX sjednici, održanoj 04.05.2011. godine, donijelo je

ZAKLJUČAK

I

Traži se od Skupštine Unsko – sanskog kantona, Parlamenta Federacije Bosne i Hercegovine i Parlamentarne skupštine BiH, da u istovjetnom tekstu donesu REZOLUCIJU o osudi masovnog kršenja ljudskih prava civilnog stanovništva u Cazinskoj krajini 1950. godine i zločina počinjenih od strane totalitarnog komunističkog režima bivše Jugoslavije / FNRJ, koju je usvojilo Općinsko vijeće Općine Cazin.

II

Ovaj Zaključak stupa na snagu danom donošenja i objavit će se u «Službenim novinama Općine Cazin».

Br: 01/V-05-2619/11

Datum: 04.05.2011.godine

PREDSJEDAVAJUĆI VIJEĆA
Ćoralić Haris

2468. Na osnovu člana člana 13. Zakona o principima lokalne samouprave u F BiH („Sl.novine F BiH“, broj: 49/06), člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće Općine Cazin na XIX sjednici, održanoj 04.05.2011. godine, donijelo je

ZAKLJUČAK

I

Traži se od Komisije za odlikovanja i općinska priznanja Općinskog vijeća Cazin da za jednu od narednih sjednica pripremi prijedlog Odluke o proglašenju Vere Kržišnik Bukić počasnim građaninom Općine Cazin.

II

Ovaj Zaključak stupa na snagu danom donošenja i objavit će se u «Službenim novinama Općine Cazin».

Br: 01/V-05-2618/11

Datum: 04.05.2011.godine

PREDSJEDAVAJUĆI VIJEĆA
Ćoralić Haris

2469. Na osnovu člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće općine Cazin na svojoj redovnoj XIX sjednici održanoj dana, 04.05.2011.godine, donijelo je

ZAKLJUČAK

I

Usvaja se Izvještaj o radu Općinskog načelnika za period 01.01.2010. godina – 31.12.2010. godina.

II

Ovaj Zaključak stupa na snagu danom donošenja, i ima se objaviti u «Službenim novinama» općine Cazin.

Br: 01/V-05-2465/11

Datum: 04.05.2011.godine

PREDSJEDAVAJUĆI VIJEĆA
Ćoralić Haris

2470. Na osnovu člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće općine Cazin na svojoj redovnoj XVII sjednici održanoj dana, 09.03.2011.godine, donijelo je

ZAKLJUČAK

I

Usvaja se Plan rada i finansijski plan JP "Vodovod" Cazin za period 2011. godina, sa ukupnim prihodima od 3.359.400,00 KM i rashodima od 3.357.309,40 KM.

II

Ovaj Zaključak stupa na snagu danom donošenja, i ima se objaviti u «Službenim novinama» općine Cazin.

Br: 01/V-14-1262/11

Datum: 09.03.2011.godine

PREDSJEDAVAJUĆI VIJEĆA
Ćoralić Haris

2470. Na osnovu člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće općine Cazin na svojoj redovnoj XVII sjednici održanoj dana, 09.03.2011.godine, donijelo je

Z A K L J U Č A K

I

Zadužuje se direktor JKP "Vodovod" Cazin da u roku od 60 dana od dana stupanja na snagu ovog Zaključka, pismenim putem izvrši primopredaju objekta – vodovod Liskovac sa građevinskim odborom Liskovac, te da po proteku gore navedenog roka dostavi Informaciju Općinskom vijeću Cazin.

II

Ovaj Zaključak stupa na snagu danom donošenja, i ima se objaviti u «Službenim novinama» općine Cazin.

Br: 01/V-05-1339/11

Datum: 09.03.2011.godine

PREDSJEDAVAJUĆI VIJEĆA

Ćoralić Haris

.....

2471. Na osnovu člana 24. i 118. Statuta Općine Cazin («Službene novine općine Cazin» broj:13/10) i člana 123. Poslovnika o radu Općinskog vijeća («Službene novine općine Cazin» broj:1/11), Općinsko vijeće općine Cazin na svojoj redovnoj XVII sjednici održanoj dana, 09.03.2011.godine, donijelo je

Z A K L J U Č A K

I

Traži se da nadležne institucije (Državna agencija za istragu i zaštitu BiH, Finansijska policija F BiH, Kantonalno tužilaštvo USK-a i Ministarstvo unutrašnjih poslova USK-a – Odsjek za privredni kriminal) ispituju zakonitost trošenja viška sredstava koja su prikupljena od strane građana prilikom izgradnje vodovoda Liskovac, a čijim sredstvima je raspolagao predsjednik Mjesne zajednice Liskovac Miskiće Alaga.

II

Ovaj Zaključak stupa na snagu danom donošenja, i ima se objaviti u «Službenim novinama» općine Cazin.

Br: 01/V-14-1266/11

Datum: 09.03.2011.godine

PREDSJEDAVAJUĆI VIJEĆA

Ćoralić Haris

.....

SADRŽAJ**OPĆINSKO VIJEĆE CAZIN**

2459. ODLUKA o usvajanju Nacrta Urbanističkog projekta "Islamski centar Cazin"	2
2460. ODLUKA o davanju saglasnosti na Memorandum o regionalnoj saradnji gradova i općina u vezi upravljanja i zaštite šume autohtonog kestena	2
2461. ODLUKA o proglašenju 6. maja Danom sjećanja na Cazinsku bunu i žrtve komunističkog režima FNRJ	3
2462. REZOLUCIJA o osudi masovnog kršenja ljudskih prava civilnog stanovništva u Cazinskoj krajini 1950. godine i zločina počinjenih od strane totalitarnog komunističkog režima bivše Jugoslavije / FNRJ	3
2463. ZAKLJUČAK o prihvatanju Prednacrt Odluke o zaštiti izvorišta vode za piće Ljubijankići	6
2464. ZAKLJUČAK o prihvatanju Prednacrt Odluke o zaštiti izvorišta vode za piće Mutnik	6
2465. ZAKLJUČAK o prihvatanju Prednacrt Odluke o zaštiti izvorišta vode za piće Tahirović	7
2466. ZAKLJUČAK o prihvatanju Prednacrt Odluke o zaštiti izvorišta vode za piće Vignjevići	7
2467. ZAKLJUČAK – REZOLUCIJA	8
2468. ZAKLJUČAK – Komisija za odlikovanja i općinska priznanja	8
2469. ZAKLJUČAK o usvajanju Izvještaja o radu Općinskog načelnika za 2010.godinu	8
2470. ZAKLJUČAK – JKP "Vodovod" d.o.o. Cazin – Građevinski odbor Liskovac	9
2471. ZAKLJUČAK – nadležne institucije	9